

Մինչև այդ դաշնագրի կնքումը Շահթախթ—Պուլֆա երկաթուղին պիտի բանեցուէր Հայաստանի երկաթուղային վարչութեան կողմից\*):

Անպատ. 14-ին վերադարձաւ Շանթի պատերազմութիւնը, և միայն հոկտ. 11-ին Երևան եկաւ Լեզրանը՝ պատերազմութեան բոլոր անդամներէ հետ: Նրա պատերազմութիւնը բաղկացած էր 47 հոգուց, որոնց մէջ էին և Սահ. Տէր-Փարրիէլեանը, Աշ. Յովհաննիսեանը: Հայաստանի կառավարութիւնը ցոյց տւեց նրան փայլուն ընդունելութիւն: Լեզրանին կայարանում ողջունեցին զինւ. նախ. օգնական զօր. Հախվերդեանը, արտաքին գործոց նախ. օգնականը, Շանթի պատերազմութեան անդամ Հ. Տէրտէբեանը և ուրիշներ: Երբ Լեզրանը դուրս եկաւ վազոնից, զինուորական երաժշտախումբը նւագեց «Խնտերնասիոնալը», և զօրքերը պատւի կեցան: Լեզրանը անցաւ զօրաշարքի առջևով և ողջունեց զինուորներին: Ու հանդիսաւորութեամբ անցաւ քաղաք և նոյն օրն և եթ տեսակցութիւն ունեցաւ վարչապետ Հ. Օհանջանեանի հետ:

Յաջորդ օր սկսեցին բանակցութիւնները Լեզրանի և Շանթի միջև:

Հոկտ. 13-ին Լեզրանը ներկայացրեց մի շարք պահանջներ, որոնցից գլխաւորներն էին 1) հրաժարել Սևրի դաշնագրից, 2) թոյլ տալ խորհրդային զօրքերին, իրենց ռազմամթերքով, անցնել Հայաստանի երկաթուղիներով ու խճուղիներով՝ միանալու համար Մուստաֆա Քեմալի զօրքերին, դաշնակիցների դէմ կուռելու նպատակով, 3) սահմանափէճը Հայաստանի և հարևանների միջև լուծել խորհրդային Ռուսաստանի միջնորդութեամբ:

Հայաստանի պատերազմութիւնը վճռականապէս մերժեց ընդունել առաջին կէտը, իսկ միւս բոլոր կէտերի վերաբերմամբ կայացաւ համաձայնութիւն և կազմեց դաշնագրի նախագիծ, որով 1) խորհրդ. Ռուսաստանը ճանաչում էր Հայաստանի անկախութիւնը և ներքին անձեռնմխելիութիւնը, Հայաստանի մէջ պիտի մտնէր և Զանգեզուրը, իսկ Ղարաբաղի և Նախիջևանի վիճակը պիտի որոշէր իրաւարարութեամբ. 2) խորհրդ. Ռուսաստանը իսկոյն պէտք է միջամտէր՝ կասեցնելու համար պատերազմը Հայաստանի և Թիւրքիայի միջև. 1914թ. սահմանի վրա պէտք է ստեղծէր չէզոք գօտի և

\*) Բնորոշ է, որ օգ. 10-ի համաձայնութիւնը ահագին դժգոհութիւն առաջ բերեց Թիֆլիսի դաշնակից ներկայացուցիչների մէջ: Անգլիայի ներկայացուցիչ կոմանդոր Լիւբը մեղադրում էր հայերին, որ Հայաստանը երես է դարձնում դաշնակիցներից և այլևս չպիտի կարողանայ օգուել նրանց օգնութիւնից, իսկ Ֆրանսայի բարձր կոմիսար դը Մարտէլը գտնում էր, որ հայերը անցնում են դաշնակիցների քննամիների բանակը: Դը Մարտէլի դժգոհութիւնը մեծ էր և այն պատճառով, որ Հայաստանի կառավարութիւնը մերժել էր առնել Ֆրանսայի վաշխառուական պայմաններով առաջարկած գէնէրն ու ռազմամթերքը: Օգ. 31-ին Երևան գնաց կոմ. Լիւբը, ուր ընդունեց հանդիսաւորութեամբ, և կառավարութեան հետ շփելով ու դրութեան տեղն ու տեղը ծանօթանալով՝ համոզեց, որ իր կասկածներն անհիմն են: Կայն ժամանակ Լիւբը Հայաստանի կառավարութեան ներկայացրեց տեսնական պայմանագրի մի նախագիծ՝ Հայաստանի նախահանգիստները և երկաթուղիները Անգլիային յանձնելու իմաստով և առաջարկեց երեք օրւայ ընթացքում ստորագրել: Հայաստանի կառավարութիւնը մերժեց ստորագրել: